

《佛說無量壽經》 補充講表

◎附表十七：

○其手常出無盡之寶

*唐譯本《無量壽如來會》云：「又得諸資具自在波羅蜜多，一切服用周遍無乏，所謂諸寶香花、幢幡、繒蓋、上妙衣服、飲食、湯藥，及諸伏藏珍玩，所須皆從菩薩掌中自然流出，身諸毛孔流出一切人天音樂，由是因緣，能令無量無數不可思議諸眾生等，安住阿耨多羅三藐三菩提。」

○恢廓曠蕩，不可限極，悉相雜廁，轉相間入。以下糅合《佛說無量壽經甄解》：道隱法師

*《往生論》云：「觀彼世界相，勝過三界道。究竟如虛空，廣大無邊際。」

*「恢廓曠蕩，不可限極」：恢，大也，廓亦大也。曠，廣大也，蕩蕩，大也。蕩蕩，廣平貌，此乃「究竟如虛空，廣大無邊際」，量功德之相也。

*「悉相雜廁，轉相間入」：廁，雜也。（《琳音》）《廣雅》：廁，間也，間亦雜也。一一莊嚴，一寶中相入無量寶，互相參間錯相入，具無邊光色也，此明莊嚴之相。

* 「一切世界眾寶中精」：凡物之純至曰「精」。於眾寶中最精美者，即超諸佛剎最為精者。

* 「其寶猶如第六天寶」：既超踰十方諸佛國，豈類同于他化自在天寶乎！近示一切樂事自然現前而已，故《吳譯》云：「欲有所得，即自然在前，所不用者，即自然去，比如第六天上自然之物。」

○諸佛世界亦不可思議，其諸眾生功德善力，住行業之地。

* 《往生論註》云：「此中佛土不可思議，有二種力：一者、業力，謂法藏菩薩出世善根大願業力所成。二者、正覺阿彌陀法王，善住持力所攝。」 彼佛國是法藏菩薩曠劫所修行

業所感之處，其能居眾生亦莫不由彼佛大願業力，故說以功德善力，住其處。

○無量壽佛，威神光明，最尊第一，諸佛光明所不能及。

* 《彌陀要解》云：「心性寂而常照，故為光明。今徹證心性無量之體，故光明無量也。……法身光明無分際，報身光明稱真性，此則佛佛道同。應身光明有照一由旬者，十百千由旬者，一世界十百千世界者。唯阿彌普照，故別名無量光。」

* 凡成佛皆有光明，佛光有兩種：一、常光，平常就有。二、放光，機緣成熟，才放出的光明。

* 放光普照十方，無所限量，佛佛相同。「常光」則不同，原因為二：

一、因地所發願不同。

二、所居世界淨穢不同。淨土之佛常光殊勝，穢土較差。

* 《觀無量壽佛經》云：「阿彌陀佛有八萬四千相，一一相中，各有八萬四千隨形好；一一好中，復

有八萬四千光明；一一光明，徧照十方世界念佛眾生，攝取不捨。」

○ 又無量壽佛，壽命長久，不可稱計

* 《彌陀要解》云：「心性照而常寂，故為壽命。今徹證心性無量之體，故壽命無量也。」

法身壽命，無始無終；報身壽命，有始無終。此亦佛佛道同，皆可名無量壽。

應身隨願隨機，延促不等。法藏願王，有佛及人，壽命皆無量之願。今果成如

願，別名無量壽也。」

*《彌陀要解》云：「當知光壽名號，皆本眾生建立。以生佛平等，能令持名者，光明壽命同佛無異也。」

復次由無量光義，故眾生極樂，即生十方。見阿彌陀佛，即見十方諸佛。能自度，即普利一切。

由無量壽義，故極樂人民，即是一生補處。皆定此生成佛，不至異生。

當知離卻現前一念無量光壽之心，何處有阿彌陀佛名號；而離卻阿彌陀佛名號，何由徹證現前一念無量光壽之心。願深思之！願深思之！」